

HE KUPU WHAKAMARAMA.

No. 2.

NELSON (WHAKATU).
EDITOR REV. F. A. BENNETT.

APERIRA, 1898.

HE AWHINA MO Nga MAHI O TE HAH.

I runga i te whiriwhiringa a nga pakeha me nga Maori i tetahi huarahi hou e kitea ai he tikanga hei awhina i nga mahi a te Ariki, puta ana te panui ki nga takiwa o Whakatu kia whakaaro nga Maori ki taua tikanga. Whakaritea ana ko te Weneri te 30th o Maehe, hei ra huihuinga mai mo nga tangata ki Whakatu, ki reira whakata-koto ai i a ratou taonga.

Tukuna mai ana nga taonga a nga Maori, ara nga piupiu, nga kete muka, nga ipu whakairo me era atu mahi a nga Maori, huihui atu hoki ki nga kai, ki te taewa, ki te tikaokao, ki te heeki me era atu oranga mo te tinana. Ko enei mea katoa he mea tuku noa mai i runga i te ratou whakaaro nui ki te awhina i nga mahi o te Hahi kia puta ai te Rongo Pai ki nga takiwa mamao.

Nui atu te pakeha i huihui mai ki te matakutaki, ki te hoko hoki i etahi taonga ma ratou.

E hara i te mea na nga Maori anake tenei mahi. Ko nga tangata e whakaaro nui ana ki nga mahi a Pihopa Wirihana ara te Pihopa o Meranihia, i huihui hoki ratou ki te matakutaki i nga patu, i nga wero, i nga whakakai me era atu taonga a o tatou whanaua e noho mai nei i runga i nga moutere o te moana nui.

Ko taua tikanga he tikanga tino pai mo runga i nga huarahi awhina i nga mahi o te whakapono. Kaore he raruraru. I takoto ano hoki te Kai iua nga tangata haere mai.

Ko nga moni katoa i puta i runga i taua tikanga e £40.

Ko enei moni kei te Komiti e takoto ana.

Ka wehea aua moni mo nga mahi ki te taba Maori, mo nga tangata o Meranihia, me te tuku i te Rongo Pai ki te whenua o nga Tiaianama.

tangata Maori o te takiwa o Motueka, o Whakapuaka, o Takaka, ko te Atua kei te homai i te tomasirangi, i tupu ake ai nga hua katoa o te whenua hei oranga mo te tangata, mahara ana ratou he mea tika kia wehea e ratou tetahi Ratapu hei whaka-whetaitanga mo ratou ki te Atua mo ana manaakitanga ki a ratou.

No te 27th o Pepuere ka huihui mai nga tangata ki te Whare Karakia o Te Ahurewa i Motueka. Ko te Whare Karakia oti rawa te whakapaipai ki nga hua katoa o te whenua i puta mai ai te ora mo nga tangata o aua takiwa; ara he mea whakapaipai ki te oti, ki te witi, ki te pare, ki te hoopa, ki te rai, ki te taewa, ki te kumara, ki te mereni, ki te aporo, ki te pea, ki te paranihi, ki te pititi, me era atu hua tino noaitohu. Pai ana te ahua o te Whare Karakia. He wahine pakeha nga hoa o nga Maori, na ratou i ata whakariterite te takotoranga o ia hua o ia hua.

Nui atu te whakapai o nga pakeha ki tenei tikanga i puta ake nei i waenga nui o nga Maori.

I muri tata iho i te Karakia o te ata ka whakatekotoria te Hukarameta.

No muri o te tina, ka huihui mai nga tamariki o te Owihini o Whakarewa huihui atu hoki ki nga tamariki Maori; ki ana te Whare Karakia i te tamariki. Ko tenei karakia i karakia pakehatahi.

No te whitu o nga hora ko te Karakia o te Ahitahi mo nga Maori. I muri tata iho i tenei Karakia ka huihui katoa matou ki roto ki te whare Karakia awhito, ki reira mihi ai mo nga manaakitanga me te aroha o te Atua. Whakaaetia ana e taua runanga, ko nga kohikohi o taua ra, me nga moni e riro mai ana i te hokonga atu o nga hua whakapaipai o te whare, me tuku katoa hei awhina mo te Kura Maori me a te ka whakaturia ki Whangarei (Croixelles).

HE KARAKIA WHAKAWHETAI MO TE KOTINGA.

I runga i te whakaaro o etahi o nga

TE MATENGO O MEIHA KEEPA TE RANGIHIWINI.

He nui te pouri me te mamae i puta atu ki nga Maori tae atu hoki ki nga hoa pakeha